



Tirat de l'armanac gascon de 1922

Lo mes de heurèr. Quauques arreproèrs

Entà senta Gata (lo 5), las trelhas poderàs
Entà que deus arrasims, los arrats ne dejunen
pas.

Lo lendoman de la candelèra (lo 2)
Entà sent Blasiòt
Se vòs tot l'an plen borsicòt
Calerà hèr quauquas caucèras

S'en Abriu voletz minjar cambajon,
Amanejatz-vos a tuar lo tesson.

Se perigla au mes de heurèr
Bota las barricas entau joquèr.

Lo temps que harà

*Aqueste mes ne serà pas autant escosent
coma l'aute, pr'amor qu'i mes còrt! Mès que
serà plojinós... A còps, qu'i aurà nèu. S'en
calerà mauhisar e se ténguer los esclòps
empalhats de fresc, sonque entà dròmer
çaquelà*

*Plorejadas entà la prumèra quizenada. Lo
temps se en herdirà e cageràn moscas
blancas. Que harà maishant se passejar au
clar de lua. En tot hóner, la nèu harà créishe
los arrius. Se sortishen, s'embarreràn tot solets*

A la fin deu mes que harà pron bon hèr

los trabalhs de la sason

Laurar, se's pòt hèr. Tanben, acabar de podar
las vits. En plantar d'autas, pr'amor que
n'auratz jamès pron de vin...

Que cau semiar saladas, havas, cebas, rafles e
césers; que calerà tanben hèr lenha e sègas e
totjorn pausar clocas.

HEURE	
1	dim. St Ignaco.
2	ditz. La Candelèro.
3	dibès, St Blasi.
4	dich. Sto Jano.
5	DIM. Sto Gato. P. Q.
6	dilus, St Amans.
7	dim. St Fidèl.
8	dim. St Jean de M.
9	ditz. St Tiodoro.
10	dibès, St Arnaut.
11	dich. N. D. de Lourdos.
12	DIM. Sto Ulali. P. L.
13	dilus. Sto Afalho.
14	dim. St Balantèn.
15	dim. St Foustin.
16	ditz. Sto Juliano.
17	dibès, St Danièl.
18	dich. St Siméoun D Q.
19	DIM. Sto Fransouneto.
20	dilus. St Sauban.
21	dim. St German de Gr.
22	dim. Sto Isabéro.
23	ditz. St Pé Damian.
24	dibès, St Matias.
25	dich. St Eli.
26	DIM. St Pourfiré. N L.
27	dilus. Sto Aunourino.
28	dim. Carnabal.